

Der Fünffte Thail. Von etlichen Zufällen des Jahr/ Calenders vnd Menschen.

Was eines jeden sein aigne angeborne/ oder gewöhnliche Brancheit antrifft/ rath ich nit in wind zuschlagē/ sonder auß seiner Genitur so es sein kan/ auch art seiner Complexion vnd Qualitet der jahr zeýt/ vordern herkommen/ mit Rath Gelehrter Artzt wol erkündte vnd gute fürsehung thue/ dann die vniuersalis Reuolution kan nicht einem jeden individuo ein Particularitet andeuten. Das Gewitter ist im Calender ordentlich angezeigt/ vnd soll also verstanden werden/ das es das Viertel auß/ darzu es verzeichnet ist/ den mehrern thail also wittern werde/ nicht so gar gnaw auff alle stunden des gangen Viertels/ so habe ich auch oft angemelt daß die reuolution allein wenig dienet zu Coniecturen/ vberfluß oder mißwachsung Traid vnd anderer frucht/ derhalben die Monatlich Witterung wie sie einer jeden sorten diene/ auch sonderlich wol zubetrachten.

Das aber oft im Winter/ oder sonst zu vngelegener zeýt das Zeichen gut Pflanzens gesetzt ist/ beschicht in vnsern Landen allhie von des Weingartebaw/ sondernlich von Schneidens wegen.

Wann die noth Aderlassen erfordert/ soll ein Brancker nicht warten auff ein gut Laßzeichen. So es aber in seiner wahl stehet/ mag er dahin anstellen wañ ein gut Zeichen ist/ daß die erwöhlung die natürlich vrsach haben vnd den Signis Medicorum gemäß sein nicht zuwerwerffen. Aber die Electiones die auff glück deuten/ new Blader anzulegen/ glicklich mit grossen Herzen zureden/ vnd andere dergleichen/ sein nicht allein Kindisch/ alter Weiber thäpung/ sonder auch wider die vernaunft bey den Philosophis/ im Befehl Gottes aber zum höchsten verboten.

Der Sechste Thail. Von ab vnd zunehmung des Tags auff Viertel stund in vnserem Lande/ durchs ganze Jahr himblich gnaw auff gemain vnd Schaltjahr zuuersehen.

In Jenner/ ist der erste tag 8. stund ein halb Viertel lang/ Der sechste 2. stund vnd 1. Viertel/ Der fünffzehende 8. stund ein halbe/ Der einsvndzweingigst 8. stund 3. Viertel/ Der sibenvndzweingigst 9. stund.

Im Hornung hat der ander tag 9. stund 1. Viertel/ der sibend 9. stund ein halbe/ Der eplffte 9. stand 3. Viertel/ Der sechzehende 10. stund/ Der zwainzigst 10. stund. 1. Viertel/ Der viervndzwainzigst 10. stund ein halb/ Der achtvndzwainzigst 10. stund 3. Viertel.

Im Merzen heit der dritte tag 11. stund/ Der acht 11. stund 1. Viertel/ Der dreyzehende 11. stund ein halbe/ Der sibenzehend 11. stund 3. Viertel/ Der einsvndzwainzigst 12. stund/ vnd ist tag vnd nacht gleich/ Der fünffvndzwainzigst 12. stund 1. Viertel/ Der dreyßigst 12. stund 1. halbe.